



《續修四庫全書》編纂委員會編

續修四庫全書

上海古籍出版社

一〇一一・子部・醫家類

鼎鑊幼幼集成六卷（卷三至卷六）

〔清〕陳復正撰

一

聞人氏痘疹論四卷

〔宋〕聞人規撰

一七九

痘疹世醫心法十二卷

痘疹格致要論十一卷

〔明〕萬全撰

二四七

活幼心法九卷

〔明〕聶尚恒撰

四二五

救偏瑣言十卷備用良方一卷

〔清〕費啟泰撰

六一七

鼎鑿幼幼集成

二〔清〕陳復正撰

據首都圖書館藏清乾隆
刻本影印原書版框高一
六四毫米寬二五六毫米

鼎鑠幼幼集成卷之三

羅浮陳復正飛霞氏 輯訂

廬陵劉 勳案孟氏 校正

遂陽周宗頤虛中氏 衆定

○咳嗽證治

帝曰肺之令人欬何也岐伯曰五臟六腑皆令人欬非獨肺也又曰邪在肺則病皮膚痛寒熱上氣喘汗出欬動肩背○夫肺為華蓋口鼻相通息之出入氣之升降必由之路故專主氣經曰形寒飲冷

幼幼集成 卷之三

一

則傷肺由兒衣太薄及冷飲之類傷於寒也經曰熱傷肺由兒衣太厚愛養過溫傷於熱也又曰皮毛者肺之合皮毛先受邪氣邪氣得從其合使氣上而不下逆而不收克塞咽嗑故令咳嗽也凡有聲無痰謂之咳肺氣傷也有痰無聲謂之嗽脾濕動也有聲有痰謂之咳嗽初傷於肺經動脾濕也在小兒由風寒乳食不慎而致病者尤多矣經曰五臟六腑皆令人欬然必臟腑各受其邪而與之要終不離乎肺也但因痰而嗽者痰為重主治

聰明按程正字通俗說字說集韻研計功寄也批也

幼幼集成 卷之三

二

在脾因咳而動痰者咳為重主治在脾以時而治之清晨咳者屬痰火午前嗽者屬胃火午後嗽者屬陰虛黃昏嗽者火浮於肺五更嗽者食積滯於三焦肺實者頓嗽抱首面赤反食肺虛者氣逆虛鳴面白殭泄肺熱者痰腥而稠身熱喘滿鼻乾面紅手捏眉目肺寒者嗽多痰清面白而喘惡風多涕故治者各因其虛實寒熱而調之斯無誤矣因於寒者則氣壅喘促聲濁而無汗鼻塞聲重宜參蘇飲微汗之

咳而氣逆喘嗽面白有痰此肺本經病宜清肺飲咳甚葶藶丸微利之咳而喉中介介有聲面赤發熱心煩或咽喉痛聲啞者此肺病兼見心證宜清寧散咽喉痛沉瀝丹咳而面黃體倦痰涎壅盛或吐痰或吐乳食此肺病兼見脾證大抵咳嗽屬脾肺者居多以肺主氣脾主痰故也宜橘皮湯咳而面青多怒痰涎壅盛而發搐者蓋因咳嗽聲不能轉所以瞪目直視此肺病兼見肝證宜集成金

粟丹

咳而面色闇黑，人咳而吐痰水，此肺病兼見腎證，宜

六味地黃丸加麥冬五味。

咳而聲不出，口鼻出血者，此氣逆血亦逆也，須順氣

寧嗽為主，宜人參冬花膏。

咳而人不止，並無他證，乃肺虛也，只宜補脾為主，人

參五味子湯。

咳而胸高骨起，其狀如龜者，謂之龜胸，此肺熱之極

陽火熏蒸而致也，清燥救肺湯。

幼幼集 卷之三

咳而日人胸前疼痛，口吐膿血腥臭者，此肺火壅盛

已成癰也，桔梗湯治不如法，其證多死。

凡咳嗽痰涎壅塞，逆氣冲併而作搐者，多難治，故頭

搖目上視及閉目呻吟，手足擺舞，有息胸突喉中

痰鳴，口噤不乳，喘而手足冷，皆死證也。

○入方

人參敗毒散

此方辛平升散，為咳門第一神方，舉世少有知者。

凡有咳嗽，無論內傷飲食外感風寒夾濕夾毒，不

咳明按主
竹炭散二

拘男婦大小，胸緊氣急，咽痛口苦，痰不相應，卽用
此方升散之。或感冒重者，服此其咳愈止。不知者
以為藥不相符，棄而勿服，不知正是升散之力，佳
兆也。再服之，漸次輕減，不拘劑數，只以痰應為度。
聲嚕痰出，是其效也。枯燥之人，數劑之後，略加沙
參玉竹，當歸白芍，生地麥冬之類，以滋其陰，無不
愈者。再有吁噎，凡欬嗽初起，切不可誤用寒涼及
滋陰之藥，閉其肺竅，為害不小。但以辛散為先，養
俟痰應之後，漸加滋陰，則得矣。

幼幼集 卷之三

官揀參 五七分 不 非桔梗 錢 正川芎 錢

白雲苓 錢 陳枳殼 錢 信前胡 錢 川羌活 錢

川獨活 錢 北柴胡 錢 南薄荷 錢 荆芥穗 錢

北防風 錢 淨連翹 錢 炙甘草 錢

生薑一片為引，水煎半饑服，每日二劑。

參蘇飲

治四時感冒頭痛發熱，咳嗽痰盛，此方不如前方
用之多不效，姑存之。

官揀參 五 白雲苓 錢 陳枳殼 錢 法半夏 錢

信前胡錢一 芽桔梗錢一 老蘇葉錢一 粉乾葛錢一

真廣皮錢一 炙甘草分五

生薑三片葱白三寸水煎溫服取微汗

清肺飲

治氣逆而咳面白有痰

信前胡錢一 北柴胡分七 桑白皮分五 陳枳殼錢一

淨知母錢一 川貝母錢一 南薄荷分七 白雲苓錢一

白桔梗錢一 金井膠錢一 大麥冬錢一 荆芥穗錢一

炙甘草分五

幼幼集成

卷之三

五

水煎熱服切忌油膩

葶藶丸

治乳食衝脾傷風咳嗽面赤身熱痰多喘嗽

甜葶藶去土隔紙罌炒 黑牽牛炒 光杏仁去皮尖炒黃色另研

漢防已炒

右藥等分爲細末入杏仁泥和蒸棗肉爲丸棗豆

大每五七九粒湯化下量兒大小加減

此丸因乳食傷脾痰甚者及壯實小兒可用之苟

不因乳食所傷并怯弱者本方去牽牛易家蘇子

等分炒研爲丸效

清寧散

治心肺有熱而令咳嗽宜從小便利出

桑白皮蜜炒 甜葶藶微炒 赤茯苓酒炒 車前子炒

炙甘草半減

右爲細末每服五分生薑大棗煎湯調服

集成沆瀣丹

方見二卷胎疾門

橘皮湯

幼幼集成

卷之三

六

治咳嗽痰甚嘔吐

法半夏錢一 白雲苓錢一 真廣皮錢一 旋覆花錢一

北細辛分五 官揀參分五 芽桔梗錢一 陳枳殼錢一

炙甘草分五

生薑三片大棗一枚水煎徐服

集成金粟丹

方見二卷類搐門

六味地黃湯

方見二卷胎疾門

人參冬花膏

治氣逆咳血痰中見血

官揀參 天門冬 麥門冬 款冬花 川貝母

桑白皮 金井膠 片枯芩 白當歸已上各一錢

北五味 炙甘草各五分

右爲細末煉蜜爲丸龍眼核大每一丸燈心湯下

人參五味子湯

治火嗽脾虛中氣怯弱面白唇白此神方也

官揀參錢 漂白朮錢五 白雲苓錢一 北五味錢五

幼幼集成

杭麥冬錢 炙甘草八分

生薑三片大棗三枚水煎溫服

清燥救肺湯 喻嘉言製

治諸氣膈鬱諸痿喘嘔皆屬肺之燥也

鮮桑葉經霜者得金氣而柔潤不凋取之爲君用二錢 炙甘草和胃生肺一錢

熟石膏藥清肅之氣極清肺熱用一錢二分 官揀參生胃之津養肺之氣七分

胡麻仁炒研一錢 真阿膠八分 杭麥冬去心一錢二分

批杏仁炒黃七分 枇杷葉一片刷去毛蜜塗炙黃用

水一碗煎六分頻頻分二三服痰多加川貝母

瓜蒌血虛加生地黃熱甚加犀角羚羊角

桔梗湯

治肺癰出膿血

牙桔梗錢二 白當歸錢一 川貝母錢一 瓜蒌皮錢一

漢防己錢一 光杏仁五分 陳枳殼錢一 薤白仁錢一

生黃耆錢一 鮮桑葉錢一 潤玄參錢一

用蘆茅嫩根三錢爲引水煎熱服

○百晬嗽論

凡乳子百日內有痰嗽者謂之百晬嗽或出胎暴受

幼幼集成

卷之三

八

風寒或浴兒爲風所襲或解換襦裳或出懷喂乳

而風寒得以乘之此病由外來者或乳汁過多吞

嚥不及而噎者或啼哭未定以乳哺之氣逆而嗽

者此病由於內生者皆能爲嗽第前汗下之劑難

於用之以其胃氣方生不能勝藥故也故曰百晬

嗽難醫然雖曰難醫正未嘗曰不醫予之治此未

爲不多其用藥之治有案在後復有不治之治更

爲捷徑而又百治百愈但須乳母聽戒治之無難

凡遇百晬嗽先用荆防敗毒二小劑母子同服服

完止藥惟令乳母忌口凡葷酒油膩鹽醋酸鹹薑椒辛辣青菜麪食之類一梁屏絕惟用香茶白飯少佐橘餅橙片以清其乳雖兒嗽至重者不過十日八日得備清乳嗽自愈矣倘不聽戒復不擇醫徒然服藥有名無實竟何益哉

○附案

瀝陽明經高君作梅翁與令翁雲軒翁同於甲寅五月舉子然皆膏粱之稟胎元怯弱於七月間兩兒同患百晬嗽予謂雲翁曰公郎面白唇淡白眼帶

幼幼集成

卷之三

九

青嗽聲連續痰不相應此肝風有餘肺氣不足雖有喘嗽未可以常法治之設投疎風清肺適足益燥傷陰不特嗽不能愈而證必加重雲翁深以為是乃投人參五味子湯其應如響四劑全瘳計用人參二錢八分作翁者其體更弱外候面白眼青自汗多嗽滿頭青筋頤門寬大因謂之曰令姪正同此證已服補脾保肺之劑愈矣公郎中氣更虛速宜用參始不費手適有老嫗專挑馬牙者從內阻之復有醫者從外阻之力言不可用參服參則

明按天
六自來詳

幼幼集成

卷之三

十

以不可治且云未見百日之兒敢用參者老嫗更囑其母曰道翁九藥切不可服其中多有人參服之為害不淺其母聞之以為誠然於是視予藥如砒毒矣作翁因素艱嗣息莫能張主於予言似有陽是陰否之意予見其遲疑不決亦不敢強姑聽之此醫日一診視自七月下旬治起直至十月初旬作翁往府考貢其病愈治愈危竟至於奄奄一縷而逆證叢生無可救藥醫者束手乏策老嫗緘口無言皆絕迹不至矣夫人輩無所倚仗復懇於予予嘆曰早聽予言何有今日乃入診視見其面目如藍形體惟皮束骨聲啞無音咳嗽氣促雨汗淋漓四肢搐掣逆證全具毫無生機因不忍釋手詳為審視惟兩目神光尚存予曰生機或在是乎遂以大參一枝天貝五粒蒸湯與服初服小半予為抱之環步室中審其呼吸之息氣雖未減而亦不見其增即與服完良人覺氣稍順予喜曰得之矣遂用大參二錢天貝肉七粒蒸湯服之竟獲大效是夜汗搐俱止喘嗽畧亦輕減第苦於人小體弱

卽二錢之參湯亦須一夜方能服完幸予此時行功習靜數載未嘗設榻終夕無眠竟與抱之晝夜不一釋手醒卽予服服後仍睡數日之後則鼾聲如雷睡眠極穩呼吸極長予知爲氣復神歸之效如此者十晝夜諸證已愈八九惟形色未復音聲未亮予曰功程雖半未敢暫停參須倍之於是每日大參四錢天員十四如前調理計前後二十晝夜共用官揀六兩有零始奏全績於是聲音清亮面色紅融肌肉復生精神勝舊今已長成儼然丈夫矣而且聰明特達經史皆通他日翱翔奚能限量如此之證如此之治不特世人未見醫家未聞卽諸書亦所未載半週孔子而用六兩之參起沉痾於萬難之日苟無定識者未必有成故非懇同道但須認證真確不必拘泥古方神而明之存乎人耳

或問二證皆百晝嗽何以前證用藥而後證獨用參者何也曰各有理焉前證在七月間正肺金旺特爲風邪衝併但傷其中氣他臟無涉故以四君

幼幼集成

卷之三

十一

子補脾生脈散保肺收其耗散之金得返清肅之令中氣一回應手而愈後證自七月起至于十月金已退氣正當水旺木相之時山腎水無源所以肝木失養誠母病子傷故面目俱青手足搐掣此非肝強實肝敗也內經有善則不見惡則見之言顯然可證在常俗之輩見其搐掣又必爲之鎮驚化痰截風定搐矣誰復爲之保固真元維持竭絕哉不知此等之證陰陽兩敗臟腑俱傷苟非大力之品莫可挽回所以屏去雜藥獨用人參之甘溫天圓之甘潤味極純正創之兒喜況人參之力在陰益陰在陽益陽榮衛氣血精神意智無不補者而且晝夜不徹則真元陰受其長養之功烏得不效又曰初服卽效而必待三七之日始奏全績者何也曰剋創過傷枯燥已極如旱苗焦壤暴雨無裨必淙淙潤澤始可盈科至於三七之人天地來復之機業已三至人身榮衛已周一千五十度升降有恒神氣已足不藥之慶夫復何疑此等之治非謂世之嬰兒一有咳嗽便當用參第稟受先

幼幼集成

卷之三

十二

虧胎元怯弱者有不得不用之勢獨惜前賢偏執已見卽數分之參斷不肯用孰知用至六兩之多始收全效可見辨證不真誤人非淺故筆此以爲擇醫者勸

○咳嗽簡便方

小兒咳嗽聲不出者紫菀微炒研末杏仁去皮尖研如泥等分煉蜜爲丸芡實大每服一九北五味七粒煎湯化服

肺實咳嗽痰喘葶藶子隔紙炒爲末棗肉爲丸龍眼

幼幼集成

卷之三

十三

核大每一九白湯化服

咳嗽多痰葶藶子隔紙炒知母微炒各五錢研末砂糖爲丸芡實大每一九白湯化下

小兒喘嗽發熱自汗吐紅脈虛無力人參切片焙乾天花粉切片酒炒等分爲末每服五分蜜湯調服以瘥爲度

秋天肺燥咳嗽無痰北沙參一味每服五錢淨水濃煎熱服

小兒百晬嗽痰壅喘咳川貝母五錢淡薑湯潤濕飯

上萊過甘草半生半炒二錢五分研細末沙糖爲丸龍眼核大每一九米飲化服

熱痰咳嗽痰出稠濃或咽喉痛製南星製半夏各三錢半枯黃芩七錢焙燥爲末砂糖爲丸芡實大每用一九薑湯化服

○哮喘證治

經曰犯賊風虛邪者陽受之陽受之則入六府入六府則身熱不得卧上爲喘呼又曰肺病者喘欬逆氣肩背痛汗出○夫喘者惡候也肺金清肅之令

幼幼集成

卷之三

十四

不能下行故上逆而爲喘經曰諸氣臍鬱皆屬於肺喘者肺之臍鬱也

吼者喉中如拽鋸若水鷄聲者是也喘者氣促而連屬不能以息者是也故吼以聲嚮言喘以氣息名凡喉如水鷄聲者爲實喉如鼯聲者爲虛雖由於痰火內鬱風寒外束而治之者不可不分虛實也有因外感而得者必惡寒發熱面赤唇紅鼻息不利清便自調邪在表也宜發散之五虎湯

有因熱而得者必口燥咽乾大小便不利宜葶藶丸

微下之

有因宿食而得者必痰涎壅盛喘息有聲先用山楂神麴麥芽各三錢煎湯與服消其食次下絳湯

素有哮喘之疾遇天寒暄不時犯則連綿不已發過

自愈不須上方於未發時可預防之有一發即能

吐痰者宜服補腎地黃丸加五味故脂多服自愈

有發而不吐痰者宜痰喘方

凡哮喘初發宜服蘇陳九寶湯蓋哮喘為頑痰閉塞

非麻黃不足以開其肺竅放胆用之百發百中

幼幼集成

卷之三

十五

或胸膈積熱心火凌肺熱痰壅盛忽然大喘者名馬

脾風蓋心為午火屬馬言心脾有風熱也小兒此

證最多不急治必死用牛黃奪命散下之效

凡大病久病之後或久服寒涼剋削之後或久吐火

瀉之後忽然氣急似喘非喘氣息短促名為短氣

短者斷之其氣將脫也速宜挽救人參五味子湯

效

又有虛敗之證忽然張口大喘入少山多而氣息往

來無滯此腎不納氣浮散於外大商之兆速投貞

元飲不效理陰煎加人參鹿茸或可挽救

如汗出如油髮潤而喘者肺絕也汗出如油張口大

喘者命絕也直視謔語而喘者肝絕也凡大病正

氣欲絕無根脫氣上衝必大喘而絕矣

○入方

五虎湯

治寒邪入肺而作鼾齁蓋鼾齁為寒痰固結非此

方不能解散

淨麻黃七分

光杏仁一錢

陳細茶一錢

熟石膏五錢

幼幼集成

卷之三

十六

炙甘草四分

淨水煎空心服

葶蘆丸

方見三卷咳嗽門

千縉湯

治痰閉肺竅喘息有聲

法半夏二錢

大皂角五分

老生薑一錢

炙甘草一錢

水煎服

已上皆素無哮喘而暴發者用

補腎地黃丸

治先天不足肝腎虛者通用

熟地黃 懷山藥 山萸肉各一兩 嫩鹿茸

淮牛膝各二兩 粉丹皮 白雲苓 宜澤瀉各一兩

北五味 補骨脂各一兩

右爲末蜜九菜豆大每服三錢淡鹽湯空心下

痰喘方

治哮喘無痰者蓋痰入於肺竅不能出故也

官揀參 製南星 製半夏 瓜蒌霜 香付米

皂角灰 真廣皮炒 羅胡干炒 俱等分

幼幼集成

卷之三

十七

其爲末薑汁煮神麴糊丸麻子大每服一錢薑湯

化下

蘇沉九寶湯

治風寒閉肺而作哮喘

淨麻黃 紅雲皮 南薄荷各五分 青化桂取心

紫蘇葉 桑白皮 大腹皮 光杏仁各四分

炙甘草六分

生薑三片水煎臨服加童便少許冲服

牛黃奪命散

治胸膈有痰肺脹大喘

黑牽牛半生半炒取頭末五錢 錦莊黃酒潤晒干

陳枳殼炒各一兩

右爲細末每服一錢五分白湯調下量兒大小加

減臨服加蜜數匙以氣平爲度

人參五味子湯

方見三卷咳嗽門

貞元飲景岳新方

治氣短似喘呼吸急促提不能升嚥不能降勢甚

幼幼集成

卷之三

十八

垂危常人但知爲氣急其病在上而不知元海無

根肝腎已敗此子午不交氣脫證也

大熟地五錢 白當歸三錢 炙甘草一錢

水煎熱服 如兼嘔惡或惡寒者加煨薑五片氣

虛脈微至極者速加人參如肝腎陰虛手足厥冷

加肉桂一錢

理陰煎景岳新方

治腎肝虧敗不能納氣浮散作喘

大熟地三錢 白當歸二錢 炮薑灰五錢 炙甘草一錢

手足冷者加熟附子一錢青化桂一錢
水二鍾煎七分熱服

○哮喘簡便方

治痰氣壅塞雪梨汁一杯生薑汁四分之一蜂蜜半
杯薄荷細末一兩和勻器盛重湯煮一時之火任
意與食降痰如奔馬

化痰丸絲瓜燒存性爲細末棗肉爲丸如彈子大每
服一丸薑湯化下化痰最捷兼能止嗽

墜痰丸治一切風痰濕痰老痰痰火胸痞滿氣壅塞

幼幼集成

卷之三

十九

黑牽牛四兩炒止取頭末一兩大皂角去皮弦及
子酥炙黃四錢生白礬三錢共爲細末米糊丸每
服一錢兒稍大者二錢空心薑湯服痰涎從大便
出久病之人五日十日一服病緩者半月一服
治醋噎成吼用甘草二兩去赤皮每段切二寸長兩
半劈開用猪膽二枚取汁浸甘草三日取起火上
炙乾爲末蜜丸紫豆大每晚臨卧服二錢茶湯送
神效

哮喘久不止不拘老小一服即止并治小兒奶噎石

明按
此方

膏半夏瓜蒌仁陳皮黃麻各一錢五分枳實杏仁
各一錢甘草七分生薑五片水煎熱服

清金丹治一切吼疾或痰或食過厚味即發者尤妙
蘿蔔子蒸熟晒乾爲末猪牙皂燒存性等分共爲
細末薑汁打麪糊丸紫豆大每服一二十丸薑湯
送下

○諸疳證治

夫疳之爲病亦小兒惡候十六歲以前其病爲疳十
六歲以下其病爲癆皆真元怯弱氣血虛衰之所

幼幼集成

卷之三

二十

致也究其病源莫不由於脾胃蓋胃者水穀之海
也水穀之精氣爲榮悍氣爲衛榮衛豐盈灌溉諸
臟凡人身克皮毛肥腠理者氣也潤皮膚美顏色
者血也所以水穀素強者無病水穀減少者病水
去穀亡則死矣凡病疳而形不魁者氣衰也色不
華者血弱也氣衰血弱知其脾胃必傷有因幼少
乳食腸胃未堅食物太早耗傷真氣而成者有因
甘肥肆進飲食過食積滯日久而黃肌削而成者
有因乳母寒熱不調或喜怒房勞之後乳哺而成

者有三三歲後穀肉菓菜恣其飲啖因而停滯中
 焦食人成積積入成疳復有因取積太過耗損胃
 氣或因大病之後吐瀉瘧痢乳食減少以致脾胃
 失養二者雖所因不同然皆總歸於虛也其證頭
 皮光急毛髮焦稀腮縮鼻乾口饑唇白兩眼昏爛
 操眉擦鼻脊聳體黃闌牙咬甲焦渴自汗尿白瀉
 酸肚脹腸鳴癖結潮熱醋嗜瓜果鹹炭水泥者皆
 其候也然治寒以溫治熱以涼此用藥之常法殊
 不知疳之為病皆虛所致即熱者亦虛中之熱寒

幼幼集成 卷之三 二十一

者亦虛中之寒積者亦虛中之積故治積不可驟
 攻治寒不宜峻溫治熱不可過涼雖積為疳之母
 而治疳必先於去積然遇極虛者而迅攻之則積
 未去而疳危矣故壯者先去積而後扶胃氣衰者
 先扶胃氣而後消之書曰壯人無積虛則有之可
 見虛為積之本積反為虛之標也如惡食滑瀉乳
 食直下牙齦黑爛頭項軟倒四肢厥冷下痢腫脹
 面色如銀肚硬如石肌肉青黑肛門如筒口吐黑
 血吐利蛔蟲並為不治

一初病者以集聖丸為主入病者但以肥兒丸調之
 以補為消可也

凡疳之初起者集聖丸為主方其有五臟兼證從權
 加減不必多求方法

○入方

集聖丸

治冷熱新久一切疳證以此為主

真蘆薈酒 五靈脂炒 夜明砂炒 真廣皮酒

杭青皮炒 蓬莖蓮煨 使君肉炒 南木香屑

幼幼集成 卷之三 二十二

白當歸炒 正川芎酒炒已上 官揀參三錢切

正川連姜 乾蟾蜍酥炙俱 西砂仁酒炒

右為細末用公猪膽一枚取汁將前末和勻粟米
 糊丸龍眼核大每服一九米飲調下

○各證加減法

一病有咬牙舒舌舌上生瘡愛飲冷水唇紅面黃
 伏地臥此心疳也本方去莖蓮砂仁青皮陳皮川
 芎木香六味加生地茯苓膽星各二錢朱砂甘草
 各一錢

一 面青目生白膜泄瀉來水或青色此肝疳也本方去莢蓮砂仁陳皮木香四味加膽草梔仁防風天麻蚬蛻各二錢青黛一錢五分

一 愛食泥土冷物飲食無度身面俱黃髮稀作穗頭大項小腹脹脚弱間或泄瀉肌瘦晝涼夜熱不思乳食此脾疳也專用本方

一 鼻下赤爛手足枯細口中腥臭或作喘嗽右腮晃白此肺疳也本方去莢蓮砂仁青皮川芎木香五味加桑皮桔梗蘇葉阿膠炙草各二錢外用澤蘭

幼功集成

卷之三

二十三

葉銅絲輕粉等分爲末貼爛處

一 兩耳內外生瘡脚如鶴膝頭縫不合或齒縫臭爛變成走馬疳此腎疳也本方去莢蓮砂仁青皮陳皮木香靈脂六味加熟地茯苓山藥芡肉各三錢丹皮澤瀉各二錢

一 食積人而成疳其證形瘦腹脹時發潮熱羞見生人見之則哭本方去蘆薈靈脂二味加人參黃耆白朮茯苓半夏枳實厚樸炙草神麴麥芽鱉甲三稜各二錢

一 人泄不止胃虛成疳此疳瀉也本方去蘆薈莢蓮靈脂三味加白朮茯苓肉蔻柯子各二錢加人參三錢

一 人痢不止胃虛成疳此疳痢也本方去蘆薈莢蓮青皮靈脂四味加柯子肉建連肉各三錢

一 瘡入未已胃虛成疳此必有癰謂之疳瘡本方去蘆薈靈脂二味加黃耆鱉甲柴胡半夏神麴三稜各二錢倍人參三錢

一 腦疳皮毛光急滿頭瘡餅腦熱如火髮結如穗遍身多汗腮腫顙高令兒眼痛其病在肝本方去莢蓮砂仁青皮陳皮五味加膽草川芎升麻羌活防風各二錢

幼功集成

卷之三

二十四

一 脊疳蟲食脊骨發熱黃瘦積中生熱煩渴下痢拍背如鼓鳴脊骨如錐齒或十指皆瘡類癰指甲宜安蟲九蓋五疳或有停食成積積人生蟲或如絲髮如馬尾多出於頭項背腹之間蟲色黃白赤者可治青黑者難治也安蟲九即本方去莢蓮砂仁青皮陳皮當歸川芎六味加苦練根白皮貫衆蕪